

BOSNA I HERCEGOVINA
FEDERACIJA BOSNE I HERCEGOVINE
GRAD LUKAVAC
GRADONAČELNIK
SLUŽBA ZA INVESTICIJE I RAZVOJ
Broj: 06-11-1702/26
Lukavac, 20.07.2026. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24) te Preporuke Komisije za provođenje postupka javne nabavke broj: 06-11-1702/26 od 15.07.2026. godine u otvorenom postupku javne nabavke usluga za reviziju glavnih projekata na osnovu kojih se izdaju vodni akti za složene vodne objekte-LOT1, Pomoćnik Gradonačelnika za Službu za investicije i razvoj d o n o s i

O D L U K U
o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 06-11-1702/26 od 15.07.2026. godine, te se Okvirni sporazum za javnu nabavku usluga za reviziju glavnih projekata na osnovu kojih se izdaju vodni akti za složene vodne objekte-LOT 1 dodjeljuje ponuđaču „SMAJIĆ - INŽENJERING “ d.o.o. Goražde , koji je dostavio ponudu broj: 677-U-26 od 26.06.2026. godine, za ponuđenu cijenu u vrijednosti od 3.430,00 KM kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 06-11-1702/26 od 04.06.2026. godine. Javna nabavka sprovedena je otvorenim postupkom nabavke. Procijenjena vrijednost javne nabavke bez PDV-a je 6.000,00 KM.

Obavještenje o nabavci broj: 719-7-2-89-3-134/26 objavljeno je na Portalu javnih nabavki dana 09.06.2026. godine.

Komisija za provođenje postupka nabavke imenovana Rješenjem broj: 02-04-1811/26 od 11.06.2026. godine dostavila je Zapisnik o pregledu i ocjeni ponuda broj: 06-11-1702/26 od 15.07.2026. godine, Preporuku o izboru najpovoljnijeg ponuđača broj: 06-11-1702/26 od 15.07.2026. godine i Izvještaj o radu broj: 06-11-1702/26 od 15.07.2026. godine.

Uvidom u Izvještaj o radu utvrđeno je da je Komisija za provođenje postupka nabavke izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene pet ponuda;
- da su blagovremeno primljene pet ponuda;
- da nije bilo neblagovremeno primljenih ponuda;

- da su ponude ponuđača „SMAJIĆ – INŽENJERING“ D.O.O. GORAŽDE, TQM D.O.O. INSTITUT ZA KVALITET, STANDARDIZACIJU I EKOLOGIJU TUZLA „TALWEG D.O.O. TUZLA, ENCOS D.O.O SARAJEVO I INPROS D.O.O MOSTAR “ kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u tendersku dokumentaciju utvrđeno je da procijenjena vrijednost nabavke bez uključenog PDV-a iznosi 6.000,00 KM i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
b) Rok obrade odštetnog zahtjeva 2 %

Ponuđač „SMAJIĆ – INŽENJERING“ D.O.O. GORAŽDE dostavio je prihvatljivu ponudu sa cijenom u iznosu od 3.430,00 KM i rokom plaćanja 60 (šezdeset) dana, te je primjenom kriterija ekonomski najpovoljnije ponude isti osvojio 100,00 bodova i rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalitelj je obavezan dostaviti original dokaz o plaćenju naknade za pokretanje žalbenog postupka, ovjeren od strane banke, sa pozivom na broj protokola tenderske dokumentacije na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac-Služba za investicije i razvoj, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

POMOĆNIK GRADONAČELNIKA
ZA SLUŽBU ZA INVESTICIJE I RAZVOJ
(ovlaštenje broj: 02-04-616/26 od 04.05.2026. godine)
Lejla Hodžić, dipl. ing.građ.

Dostaviti:

1. „SMAJIĆ – INŽENJERING“ D.O.O. GORAŽDE
2. TQM D.O.O. INSTITUT ZA KVALITET, STANDARDIZACIJU I EKOLOGIJU TUZLA
3. TALWEG D.O.O. TUZLA
4. ENCOS D.O.O SARAJEVO
5. INPROS D.O.O MOSTAR i
6. Arhivi